

二經同卷

月燈三昧經
佛說象腋經

慕一

月燈三昧經

慕一
與前月燈三昧
經第八卷同本

劉宋沙門釋先公譯

聞如是一時佛在舍衛國遊於祇樹給孤獨
園與大比丘衆比丘五百六萬菩薩俱及無
央數諸天人爾時文殊師利菩薩在其衆會

中坐時佛告文殊師利言童子菩薩行布施
有十事何等爲十一者諦除嫉妬意二者常
清淨意布施三者無數百千萬不能奪其財
四者持上妙而終亡五者生大豪貴家六者
所生處好布施七者爲四部衆所愛念八者
無所畏入衆會亦無礙十方皆聞其名聲九
者年少手足柔軟十者常樂善知識乃至坐
佛樹下童子是爲菩薩行布施十事佛於是
說偈言

已遠除於嫉妬
意常好布施者

持上妙而終亡
所生處意常樂
爲衆生所愛念
於衆會無所畏
其名聲遠而聞
其手足常柔軟
即爲得善知識
終不得生嫉妬意
以持上妙而終亡
即生於大豪富家

生即於豪富家
而好喜於布施
居家者及出家
所至處無疑難
於郡國及縣邑
所欲得不復難
諸佛及其弟子
意常好樂欲布施
於是行事無嫉妬
意常喜樂而布施

爲若干億人所愛
好布施者有是行
得善知識不復難
常見諸佛及弟子
見已即樂供養之
其布施者有是行
佛語童子菩薩持戒清淨有十事何等爲十
一者具足其願二者學佛道三者常尊樂於
點慧四者死怖不妄語五者見世不轉意六
者棄生死七者求泥洹八者寂寞行九者得
三昧十者無貧窮行童子是爲菩薩十事清
淨持戒佛於是說偈言

即具足其所願
學諸佛之道行

常樂於尊智慧
不復轉其所願
常棄遠於生死
常在寂寞處行
而無有貧窮時
其人即具所可願
慧者於人不自稱
持願甚堅不復離
以見生死無數惡
其意不復著所念

亦無有恐懼時
亦不轉慎諸行
則求索泥洹道
即便得於三昧
即立於持戒品
是菩薩學諸佛道
其人如是戒清淨
終不復動所來建
便棄捐求泥洹道
其人如是立戒疆

得正刹土無不可 清淨戒者有是行
佛語童子菩薩立忍辱有十事何等爲十一
者火不能燒二者刀不能害三者毒不能行
四者水不能殺五者非人護之六者得莊嚴
其身相七者閉塞諸惡道八者得生梵天不
難九者晝夜得安隱十者安樂不移童子是
爲菩薩十事住忍辱佛於是說偈言
火不能燒其人 刀亦不能傷害
其毒不能得行 水亦不能漂殺
諸非人悉護之 即得三十二相

便閉塞諸惡道

忍辱者得如是

求索諸梵及釋

彼亦不而難致

常得安隱之行

悉覺於非常事

刀及火亦不能傷

行於毒中不能害

諸天及人鬼神護

其忍辱者有是行

即身得三十二相

其人不復畏惡道

於是死生即梵天

行慈心者有是道

晝夜即得安隱行

常好喜身得安定

於一切有清淨意

終無有瞋恚忘行

佛告童子菩薩精進有十事何等爲十一者

有威神二者爲諸佛所護三者非人悉亦護

之四者聞法終不轉忘五者所未聞法而得

聞六者得高明智慧七者得種種三昧八者

終無病時九者飲食得安隱十者得柔輒如

優鉢不剛童子是爲精進行菩薩十事佛於

是說偈言

常爲得有威神

終不轉犯諸惡

諸非人悉護之

即疾得成佛道

聞經法亦不忘

未聞者求得了

其人即得高明

精進者有是德

得同諸三昧行
精進者智慧俱
所飯食得安隱
譬如優鉢在水
清白法亦如是
終無有能當者
多陀竭精進行
諸菩薩勤力行
其精進者有威神
而皆奉受是道行

終無有疾病時
其人得佛道行
即得爲精進行
稍稍長而大成
令菩薩稍稍成
得在天安樂處
以進越無數劫
所修奉悉說之
常爲諸佛所擁護
其人得佛道不久

所聞者終不復忘
及復得餘衆法行
其人智慧稍增益
精進行者有是事
種種三昧當自增
彼終無有疾病時
諸所可飯食之者
一切則得爲安隱
晝夜成就清白行
精進之者無有休
其人不久疾得佛
行精進者尊如是
佛語童子坐禪菩薩有十事行何等爲十一
者專行住二者行道事三者無有恐難四者
諦正諸根五者爲人所愛六者遠離欲七者
不轉一心八者脫於魔界九者住佛界十者

得解脫童子是為坐禪菩薩十事行佛於是說偈言

其人不轉所行
專行諸道之事
所修無所復著
即為得安隱喜
其人已離愛欲
以遠離魔境界
專行者有是持
即便解脫之行

即為住諦之行
其人捨不正行
諸根已為寂定
坐思惟道行事
安隱坐於一心
即住於佛境界
其獨樂樹間者
便成得十事句

其菩薩住轉不行
皆棄捐於不當行
棄不正行樂正行
念三昧者有是事
其人終無貪著時
行安隱者賢不貪
身意善覺而持戒
行三昧者有是事
行空樹間無所畏
其人終無著貪時
諸非人皆愛念之
如是遠離欲獨行
終不著欲亦不貪
如是即脫魔境界
便住於如來境界
其人解脫邪事竟
佛語童子菩薩行般若波羅蜜有十事何等
為十一者一切所有悉布施無所希望二者

不復犯戒不以戒自縛三者住忍辱力無人
想住四者行精進不貪身命五者行禪不住
禪六者降伏弊魔七者九十六種道不能動
之八者自得知生死九者於衆生有悲意十
者不求弟子緣一覺地童子是爲菩薩行般
若波羅蜜十事佛於是說偈言

其所施皆等 亦不念望其報
護經戒不敢犯 亦不有想著求
行忍辱及智慧 終無有人之想
見人即有精進 身志意無所著

行一心及智慧 無所住無有想
以降伏於衆魔 智慧者有是德
九十六種之道 皆無能動搖者
得知了生死事 智慧者有是事
於一切衆生所 有大悲哀之行
於弟子緣一覺_{慕一} 皆不念所求行_六
所有皆施無希望 爲不犯戒不念惡
行忍辱者無人想 奉智慧者有是事
精進爲在空閑處 禪無有想亦無住
其人智慧降伏魔 行智慧者有是事

諸外道者不能動 其人即為知生死
於衆人民有哀傷 行智慧者有是事
諸弟子及緣一覺 於彼終無念求索
其人住佛道如是 行智慧者有是事
佛語童子多智菩薩有十事行何等為十一
者知惡道二者知善道三者解疑事四者為
現直道五者棄捐惡道六者住正道七者在
甘露門八者得坐佛樹下九者為人民現明
道十者不畏惡道童子是為多智菩薩十事
行佛於是說偈言

為知了諸塵勞 悉曉了是兩事
其人便棄塵勞 即隨佛道之行
慧而解諸狐疑 便為現直見事
則棄捐惡道行 即得在於正道
見在於甘露門 則得坐佛樹下
為人民解現正 今不畏諸惡道
曉了無數塵勞法 知解兩事為如是
其人便棄捐塵勞 便於彼學上善法
為一切人解其疑 便為得見善正直
即棄捐去惡道事 其多智常在道住

常爲住在甘露門 得坐在無量佛樹
爲無量億人現明 其人終不畏惡道

佛語童子菩薩尊法施持法與他人者有十
事何等爲十一者棄捐惡二者奉行善三者
修正士四者淨其佛刹五者生佛樹下六者
布施衆用七者降伏諸塵勞八者與一切人
智九者行慈心十者現在得安隱意童子是
爲菩薩持尊法施十事以法施與他人者佛
於是說偈言

諸不善皆捐之

諸善事悉奉行

得在住法智慧
便淨其佛國土
便則坐佛樹下
布施一切所有
則遠除諸塵勞
布施於一切人
其無有嫉妬行
多智便棄諸不善
於尊法堅不可動
即常得清淨之國

意常好喜布施
即得無上之國
與法施譬如實
便學於諸法王
其人得佛不難
常有慈心之行
爲安隱諸非人
其人常爲在善住
其多智者常與法
常奉行佛道之事

爲常得在佛樹下 與法施者有是事

無有塵勞布施衆 便即知了己身事

皆解脫諸世之事 其人終無所罣礙

其人自知而發意 爲一切人如是施

有慈心者無嫉妬 見諸法安無有我

卷一

佛語童子菩薩行空有十事何等爲十一者

行佛道二者無所著行三者不願所生四者

不犯戒法五者不誹謗賢者六者不爲諍行

七者無所得八者獨行道九者不諍佛十者

受法行童子是爲菩薩行十空事佛於是說

偈言

其諸上人所行

勇猛者於彼行

皆不著諸世界

亦不願諸所生

終不復犯戒法

其盡壽不說惡

其行道無所諍

其便知諸所事

乃至亡失其命

得上尊之世界

諸所不可得命

於禪思安隱坐

便曉知諸空法

持於戒無有呵

不誹謗餘賢者

終無有諸諍訟

譬如法而習行

終不謗於世尊

積累於一切法
 於一切諸世界
 即奉持諸佛法
 其人之行而上妙
 行禪安隱無所著
 其人終無有貪著
 以知無人無我法
 悉曉諸空之法事
 其人終無貪著念
 其人終無諍訟事
 自保意無所畏
 佛道不可思議
 不復疑於空法
 住不在於諸外道
 諸所無命亦無人
 行一心者無所想
 終復無有於所願
 於衆所用終不著
 於佛常有淨信意
 獨處行者空衆用

其人爲住於佛道 便持如來諸所法
 佛語童子菩薩在獨處行有十事何等爲十
 一者有清淨意二者無有欲三者念諸佛四
 者信行五者不疑慧六者有反復於諸佛七
 者不誹謗法八者寂寞行九者得調住十者
 智四解事童子是爲菩薩獨處行十事佛於
 是說偈言
 終無有愛欲行 常有清淨之意
 便奉無所欲事 於獨處一心行
 思念普世間明 其人轉而成信

於智慧一無疑
於諸佛有反覆
即而作寂定行
其人即得解事
便棄捐於財利
其人即為有清意
其人行寂無有上
其人思念佛無上
亦不復疑諸佛慧
於諸上人^有反復

佛慧不可思議
佛終不棄捐法
便為住於寂法
獨自樂於樹間
在一處而行道
常皆棄捐諸惡事
終不復疑諸佛慧
信於諸天中天行
寂寞行者有是事
終不復棄諸法行

獨處行者而寂寞
閑處行者有是事
便得善諦寂寞地
即疾解了諸證事
常解說無央數經
其人無有罣礙時
佛語童子菩薩在閑處行有十事何等為十
一者寂行二者遠離衆人三者無諍訟四者
無瞋恚五者不入諸行六者不入人罪七者
念解脫事八者安隱一心行九者疾作證解
脫十者以無所著故得三昧童子是為菩薩
閑處尊行十事佛於是說偈言
常有寂寞之事
便遠離衆會人

終無有諍訟時
常無有瞋恚意
亦不復作諍訟
便爲寂寞之行
即有解脫之事
獨自在上閑處坐
其人終不入人罪
便厭於一切生死
亦不有衆畏之事
終不與人共諍訟

而獨自作於行
終不轉著諸界
在閑處是有德
常在於獨處行
便疾得過度去
常棄捐惡衆會人
樹間坐者有是事
其人無有貪衆用
在樹下坐有是事
常獨行者樂寂寞

常護守於身口意 其在閑處德無數
便得上妙解脫事 即好坐在寂三昧
其於樹間習寂行 在閑處者有是德
佛語童子菩薩行分衛有十事何等爲十一
者不欲令知其行二者不令人知其功德三
者不欲有財利四者不有自稱亦無諛諂五
者在賢聖道住六者不自說功德七者不從
他人取足八者至他家舍亦不喜亦不憂九
者離衣食施持法施與人十者住令德無諛
諂皆取於其法施童子是爲菩薩行分衛住

十事佛於是說偈言

彼不欲令知行
利無利而等意
亦不犯賢聖事
亦不自說其善
亦不愁不歡喜
所說皆令歡喜
不欲令稱不求名
亦無諛諂求財利
不自稱譽不說惡

亦不著所爲事
其人住於教令
不有稱諛諂行
復不說他人惡
說法離於衣食
分衛者有是德
常住在四賢聖行
受教令者有是事
初不說惡惡舌者

聞人功德常歡喜
其分衛者知止足
離衣食善與法施
亦不求索於財利
所說善人皆歡喜
受尊教者有是事
佛說是經時七萬二千人發無上正真道萬
菩薩得無所從生法忍佛說如是文殊師利
童子及一切衆會天龍世間人皆歡喜前爲
佛作禮而去

月燈三昧經